



FRÉTTABRÉF BSSL

EFNI BRÉFSINS:

Ásetningshlutfall vegna undanþágu frá útlfl.	1
Frá héraðsdýralækni Suðurlandsumdæmis	1
Sauðfjárgreiðslumark 50	1
Sauðfjárgreiðslumark 38	1
Sauðfjárgreiðslumark 86	1
Auka þarf framleiðslu landbúnaðraafurða	2
Fryst hrútasæði til USA	2
Innvigtun og uppgjör	2
Sauðfjársæðingaskýrslur	2
Einstaklingsmerkingar ...	3
Auglýsing	4

Á DÖFINNI:

- **Haustrfundir LK**
Fimmtudaginn 13. október.
Fundur hjá FKS (Árnessýsla)
kl. 20.30 í Þingborg
- Miðvikudaginn 19. október.
Fundur hjá FKS (Rang.)
kl. 20.30 að Heimalandi
- Fimmtudaginn 20. október.
Fundur hjá FKS (V-Skaft.)
kl. 13.30 á Herjólfstöðum í Álftaveri.
- Fundur hjá Nautgripa-ræktarfélagi Austur Skaftfellinga kl. 20.30
- Frumkvöðlanámskeið á Selfossi 11. október til 1. nóvember
- Haustfundur garðyrkjunnar föstudaginn 21. október á Hótel Selfossi
- Afmælishátíð Sambands garðyrkjubænda laugardaginn 22. október á Hótel Selfossi
- Sauðfjárræktarfundir BSSL 23. og 24. nóvember

Ásetningshlutfall vegna undanþágu frá útflutningssskyldu 2006

Landbúnaðarráðherra hefur ákveðið að til að hljóta undanþágu frá útflutningssskyldu skuli fjöldi vetrarfóðraðra kinda vera að hámarki 0,72 á hvert ærgildi greiðslumarks á því lögbýli, sem undanþegið kann að vera. Undanþága þessi nær til framleiðslu almanaksárið 2006 og skal miða talningu á fjölda sauðfjár við sannreynda talningu búfjárefirtilitsmanns sem framkvæma skal fyrir 15. apríl 2006.

Sauðfjárgreiðslumark

Tilboð óskast í 50 ærgilda greiðslumark í sauðfé til nýtingar frá 1. janúar 2006. Seljandi áskilur sér rétt til að taka hvaða tilboði sem er eða hafna öllum.

Tilboð sendist Búnaðarsambandi Suðurlands í síðasta lagi 18. október nk., merkt „**Sauðfjárvóti 50**“ eða í tölvupósti til sveinn@bssl.is

Sauðfjárgreiðslumark

Tilboð óskast í 38 ærgilda greiðslumark í sauðfé til nýtingar frá 1. janúar 2006. Seljandi áskilur sér rétt til að taka hvaða tilboði sem er eða hafna öllum.

Tilboð sendist Búnaðarsambandi Suðurlands í síðasta lagi 18. október nk., merkt „**Sauðfjárvóti 38**“ eða í tölvupósti til johannes@bssl.is

Frá héraðsdýralækni Suðurlandsumdæmis

Eigendur/umráðamenn sauðfjár í Árnessýslu eru minntir á að koma hausum af heimaslátruðu eða sjálfdaudu fullorðnu fé til heilasýnatöku. Hausunum skal komið innan tveggja sólarhringa til sýnatöku til dýralækna, Hönnu Láru Bjarnadóttur í Haukholti fyrir Hrunamannahrepp eða Reynis Pórs Jónssonar á Hurðarbaki fyrir Flóann. Frekari upplýsingar gefur héraðsdýralæknir í síma 480 1830.

Sauðfjárgreiðslumark

Tilboð óskast í 86,1 ærgilda greiðslumark í sauðfé til nýtingar frá 1. janúar 2006. Seljandi áskilur sér rétt til að taka hvaða tilboði sem er eða hafna öllum.

Tilboð sendist Búnaðarsambandi Suðurlands í síðasta lagi 15. október nk., merkt „**Sauðfjárvóti 86**“ eða í tölvupósti til johannes@bssl.is

Auka þarf framleiðslu landbúnaðarvara

Baldvin Jónsson, verkefnisstjóri Áforms - markaðsátaks Bændasamtakanna - sagði í kvöldfréttum Stöðvar 2 föstudaginn 23. september s.l. að áhugi Bandaríkjamanna á íslenskum landbúnaðarafurðum væri slíkur að auka þyrfti mjólkurframleiðslu hér á landi um fimmtung hið minnsta á næstu fimm árum og lambakjötsframleiðslu um þriðjung til að sinna þessum markaði.

Tólf íslenskir matreiðslumenn eru nýlega komnir af Food & Fun matvælahátíðinni í Wasington þar sem eldað var úr íslensku hráefni og íslenskar landbúnaðarafurðir kynntar. Voru þar m.a. kynntar mjólkurafurðir s.s. hin séríslenska afurð skyr, og seldust á skömmum tíma um tvö tonn af skyri, tæplega 3.000 ostar og 2.000 stykki af smjöri.

Einnig var nefnt að hin íslensku vöruheiti nýtast vel þar sem sérstaða varanna er undirstrikuð með heiti þeirra. Notað er nafnið „Skyr“ sem að sjálfsögðu er ekki til í enskri tungu enda sambærileg vara ekki til utan Íslands. Einnig er hægt að nota nafnið „Smjör“ en Baldvin sagði Bandaríkjamenn tengja nafnið Íslandi þar sem þeir þekkja stafinn „ö“ úr nafni Bjarkar sem ætíð hefur haldið tryggð við íslenskan uppruna sinn og sitt íslenska nafn - Björk.

Baldvin lauk máli sínu í fréttinni með því að segja að það væri ekki spurning að til framtíðar litid væri Bandaríkjamarkaður langbesti markaðurinn fyrir íslenskar afurðir.

Sauðfjársæðingaskýrslur

Þeir sem enn eiga eftir að skila inn dagbókum fyrir sauðfjársæðingar fyrir s.l. ár eru hvattir til að gera það hið fyrsta. Skila má dagbókum til Búnaðarsambandsins eða til ráðunauta sem eru á ferð í hrúta- og lambaskoðunum. Einnig er hægt að skila þeim á tölvutæku formi í excel-skjali sem nálgast má á www.bssl.is. Skjalið þarf að vista áður en sæðingarnar eru skráðar en að því loknu má senda skjalið sem viðhengi á bssl@bssl.is.

Fryst hrútasæði til Bandaríkjanna

S.l. fimmtudag fóru 300 skammtar af djúpfrystu hrútasæði frá Sauðfjársæðingastöð Suðurlands með flugi til Bandaríkjanna. Þetta er áttunda árið í röð sem Sauðfjársæðingastöðin sendir fryst hrútasæði til Vesturheims og að þessu sinni eru kaupendurnir fleiri en nokkru sinni eða 12 talsins. Sæðið verður notað með sæðingum um skeið en ekki um kviðarhol eins og gert var fyrstu árin sem sæði frá stöðinni fór ytra. Þessa aðferð nota nær eingöngu Íslendingar og Norðmenn þegar um er að ræða fryst hrútasæði.

Haustið 2003 komu hingað til lands 11 Bandaríkjamenn og lærðu þessa sæðingaaðferð og nú stendur til að halda annað sambærilegt námskeið í Bandaríkjunum í október n.k.

Sent var sæði úr samtals 32 hrútum, mest úr þeim Þokka, Grími, Tý, Erpi, Langadal og Aladí.

GJ

Innvigtun og uppgjör mjólkur verðlagsárið 2004/2005

Samtök afurðastöðva í mjólkuriðnaði (SAM) hafa tekið saman heildarinnvigtun síðasta verðlagsárs. Alls voru innvegnir lítrar í afurðastövar 111.351.721 en á verðlagsárinu á undan (2003/2004) voru innvegnir lítrar 109.735.122. Mismunurinn er + 1,47%. Um verulegan mismun á innvigtun er að ræða milli einstakra mánaða á verðlagsárinu. Þannig var innvigtun síðasta vetur meiri en veturinn á undan en á vor- og sumarmánuðum var framleiðslan töluvert minni en verðlagsárið á undan. Munaði þar mest um júlímánuð þar sem innvigtun var 6,24% minni en árið á undan. Uppgjör vegna einstakra framleiðenda hefur þegar verið reiknað út hjá Bændasamtökunum. Innvigtun umfram greiðslumark er 5.351.721 líter og nýting greiðslumarks því 105,05%. Á móti kemur að ónotað greiðslumark var alls 1.966.094 ltr. sem kemur til útfjöfnunar sem ónýttar B-greiðslur. Til útfjöfnunar vegna ónýttar A-greiðslu (vegna framleiðenda sem ekki náðu 90% af greiðslumarki) voru 700.506 ltr. Framleiðsla milli 100% og 104% af greiðslumarki var alls 2.756.870 ltr. Framleiðendur sem framleiddu umfram greiðslumark fá greidda útfjöfnun á A-greiðslu vegna framleiðslu á þessu bili, sem nemur 5,345 kr/ltr.

Uppgjör fyrir útfjöfnun á beingreiðslum barst bændum þann 1. október líkt og undanfarin ár.

Einstaklingsmerkingar sauðfjár

Nú stendur fyrir dyrum skyldumerking á sauðfé og á allt ásett sauðfé að vera einstaklingsmerkt fyrir 1. janúar 2006. Þeir bændur sem eru þátttakendur í skýrsluhaldi sauðfjárræktarfélaganna og í gæðastýringu eða þeir bændur sem eru með fé sitt merkt og sannanlega skýrslufært þurfa ekki að setja merki í eldra fé, þ.e. setja forprentuð viðurkennd merki í fullorðið fé. Hins vegar munu umráðamenn eða eigendur sauðfjár sem eru utan skýrsluhalds og ekki með fullorðið fé merkt að merkja það með viðurkenndum eyrnamerkjum fyrir 1. janúar 2006.

Með viðurkenndum eyrnamerkjum er átt við merki með forprentuðum upplýsingum með einkennisstöfum embættis yfirdýralæknis (YD) og upprunals (IS) ásamt bæjarnúmeri samkvæmt landsmarkaskrá og síðan fimm stafa einstaklingsnúmeri. Einstaklingsnúmer sé þannig að tveir fyrstu stafirnir eiga að vera tveir síðustu stafirnir í fæðingarári gripisins og hinir þrír aftari eru gripanúmerið sjálft sem eigandi eða umráðamaður velur á þann hátt sem honum hentar. Í því sambandi er rétt að taka fram að eng-

um verður gert að breyta frá því kerfi sem hann notar í dag. Búið er að auglýsa útboð á viðurkenndum, forprentuðum eyrnamerkjum sem eingöngu nær til merkja í ásetningsfé haustið 2005. Þar er ekki verið að tala um eyrnamerki í lömb sem fæðast vorið 2006. Bændur munu fá merkin í ásetningsféð endurgjaldslaust en verða að kaupa ísetningartangir og greiða sendingarkostnað.

Litir eyrnamerkja munu breytast lítilliga samkvæmt ákvörðun Markanefndar. Breytingin felst aðallega í því að dekkstu merkjalitirnir munu verða teknir út og svæðum með gulum/ljósnum lit fjölgað sbr. meðfylgjandi mynd sem gefin verður út sem viðauki við reglugerð um búfjármörk, markaskrá og takmörkun á sammerkingum búfjár.

Hér sunnanlands verða breytingar þessar:

Svæði 1, Landnámshólf: Merki verða grá í stað svartra áður.

Svæði 29, Suðursveitarhólf: Merki verða grá í stað svartra áður.


Svæði 33, Álftavershólf: Merki verða grá í stað dökkblárra áður.

Heimild: Bændablaðið/GG, 27. sept. 2005

Varnarsvæði:

1. Landnámshólf
2. Borgarfjarðarhólf syðra
3. Borgarfjarðarhólf nyrðra
4. Mýrahólf
5. Hnappadalshólf
6. Snæfellsnesshólf
7. Dalahólf syðra
8. Dalahólf nyrðra
9. Steingrímsfjarðarhólf
10. Reykjanesshólf
11. Miðvestfjarðahólf
12. Vestfjarðahólf
13. Rauðasandshólf
14. Arnarfjarðarhólf
15. Miðfjarðarhólf
16. Vatnsnesshólf
17. Húnahólf
18. Skagahólf
19. Skagafjarðarhólf
20. Eyjafjarðarhólf vestra
- 20a. Grímsey nyrðra
21. Eyjafjarðarhólf eystra
22. Skjálíandahólf
23. Óxarfjarðarhólf
24. Sléttuhólf
25. Norðausturlandshólf
26. Héraðshólf
27. Austfjarðahólf
28. Suðurfjarðahólf
29. Suðursveitarhólf
30. Öræfahólf
31. Síðuhólf
32. Skaftártunguhólf
33. Álftavershólf
34. Mýrdalshólf
35. Rangárvallahólf
36. Árnesshólf
37. Vestmannaeyjar

Litamerking búfjár á Íslandi Svæðaskipting





Staðreyndirnar tala sínu máli! CLAAS er það sem koma skal

CLAAS FYRIRTÆKIÐ

- er stærsta fyrirtækið í heiminum í einkaeigu sem framleiðir og hannar tæki til notkunar í landbúnaði
- seldi árið 2004 tæki til notkunar í landbúnaði fyrir 160 milljarða íslenskra króna
- eyddi árið 2004 u.þ.b. 5,8 milljörðum íslenskra króna í hönnun og þróun á tækjum fyrir kröfuharða bændur um allan heim.
- framleiðir tæki fyrir bændur í 9 verksmiðjum í 5 þjóðlöndum um allan heim
- trúir á bændur



CLAAS ÞRESKIVÉLAR

- kynnti nýja línu af Dominator þreskivélum fyrir íslenskan markað árið 2005 en CLAAS er með 50 % markaðshlutdeild í Þýskalandi og 25 % í heiminum.
- Dominator þreskivélur eru smíðaðar með langa endingu í huga og eru m.a. smíðaðar til að þreskja mais ólíkt jafnstórum vélum frá samkeppnisaðilum.



CLAAS DRÁTTARVÉLAR

- er mest selda dráttarvél í Frakklandi og hefur verið það undanfarna áratugi með u.þ.b. 20 % markaðshlutdeild
- jók markaðshlutdeild sína í Þýskalandi upp í 5,9 % árið 2004 og þrefaldaði markaðshlutdeild sína m.v. árið 2003
- seldi fleiri dráttarvélar en Massey Ferguson, New Holland og Valtra stærri en 100 hó. í Þýskalandi árið 2004 (aðeins Fendt, JD og DF seldu fleiri vélar)
- dráttarvélar eru með girskiptingar frá GIMA sem er í 50 % eigu MF og 50 % CLAAS
- framleiðir í verksmiðju sinni í Le Mans tannhjól og öxla í GIMA skiptingar
- dráttarvélar eru með DPS (John Deere) mótor, Carraro öxla og rafkerfi frá Bosh



CLAAS HEYVINNUTÆKI

- heyvinnutæki eru framleidd í verksmiðjum CLAAS í Saulgau í Þýskalandi sem framleiðir m.a. söxunarbúnaðinn í CLAAS Jaguar múgsaxa sem eru með meira en 50 % markaðshlutdeild í heiminum
- heyvinnutækin eru framleidd undir ströngustu gæðastöðlum og uppfylla þær miklu kröfur sem CLAAS gerir til framleiðslu í sínu nafni
- býður upp á breiða línu af sláttuvélum, snúningsvélum og múgavélum þar sem hver bóndi getur fundið vél sem hentar hans aðstæðum
- framleiðir m.a. í Saulgau hina vel þekktu CLAAS sjálfhleðsluvagna og hina byltingarkenndu Cougar sláttuvél með 14 m. vinnslubreidd.

CLAAS og Vélfang til liðs við íslenska bændur - til framtíðar

CLAAS RÚLLUVÉLAR



- rúlluvélar eru þekktar fyrir gæði og mikil afköst hérlendis sem erlendis
- samstæðurnar hafa staðið sig frábærlega við íslenskar aðstæður enda flestar notaðar af verktökum við erfiðar aðstæður
- rúlluvélar fást nú á hagstæðu verði og henta þeim sem vilja einfaldar, afkastamiklar og áreiðanlegar vélar



VÉLFANG

VERKIN TALA

CLAAS

Gyllfallöt 24-30 • 112 Reykjavík • Sími 580 8200 • Fax 580 8210 • velfang@velfang.is